

RESOLUCION

Tras as pasadas eleccións municipais celebradas con data 24 de maio de 2015 e conforme ás certificacións emitidas pola Xunta Electoral de Zona, ó abeiro do establecido no artigo 195 e 196 da Lei orgánica 5/1985, de 19 de xuño, de réxime electoral xeral, o pasado 13 de xuño de 2015, constituíuse a corporación do Concello de Mos, procedendo igualmente á elección de Alcaldesa.

Tendo en conta o sinalado no artigo 20 da Lei 7/1985, de 2 de abril, de bases do réxime local, por ter o Concello de Mos unha poboación superior aos 5.000 habitantes, é preceptivo contar, entre outros órganos necesarios, con Xunta de Goberno Local.

Considerando que a normativa sobre Réxime Local permite que xunto coa labor de asistencia ao Alcalde no exercicio das súas competencias, podan ser delegadas nela atribucións dos órganos necesarios municipais, de conformidade có establecido nos artigos 21 e 23 da Lei 7/1985, de 2 de abril, de bases do Réxime Local; 61 e 65 da Lei 5/1997, de 22 de xullo, de Administración Local de Galicia e 41, 43 a 47, 52 e 114 e seguintes do Real Decreto 2568/1986, de 28 de novembro, de organización, funcionamento e réxime xurídico das entidades locais, por medio da presente RESOLVO:

Primeiro.- Delegar as seguintes competencias na Xunta de Goberno Local:

- As aprobacións dos instrumentos do planeamento en desenvolvemento do planeamento xeral non expresamente atribuídas ao Pleno, así como a dos instrumentos de xestión urbanística e dos proxectos de urbanización. Inclúense a aprobación dos convenios sobre estas últimas materias.
- A aprobación da oferta de emprego público de acordo co Presuposto e o cadro de persoal aprobados polo Pleno, aprobar as bases das probas para a selección do persoal e para os concursos para a provisión de postos de traballo.
- Sancionar as faltas de obediencia á súa autoridade ou por infracción de ordenanzas municipais, agás nos casos en que tal facultade estea atribuída a outros órganos.
- As facultades relativas a contratacións e concesións de toda clase, nos termos da disposición adicional segunda do RD Lexislativo. 3/2011, polo o que se aproba o Texto Refundido da Lei de Contratos do Sector Público, excepto os gastos que polo seu importe poda acadar a consideración de contratos menores segundo o artigo 138 do indicado Texto.
- A adquisición de bens e de dereitos e o seu alleamento de conformidade có establecido na disposición adicional segunda do RD Lexislativo. 3/2011, polo o que se aproba o Texto Refundido da Lei de Contratos do Sector Público.
- O arrendamento e cesión de uso de bens cando sexa competencia da Alcaldía.
- A concesión das licencias que se sinalan:
 - relativas a obras, actividades, establecementos e instrucións para o seu desenvolvemento, así como a emisión de informes nos expedientes do seu eido.
 - as de apertura de establecementos fabrís, industriais, comerciais ou de calquera outra índole.

- urbanísticas en xeral, así como a emisión de informes nos expedientes de edificación en solo rústico.
- De autotaxis, transportes en xeral e informes nestas materias para o outorgamento das oportunas autorizacións por outras Administracións.
- A tramitación e resolución de expedientes de policía urbana e rural, infraccións e protección da legalidade urbanística, ordes de execución e declaracións de ruína, con inclusión dos expedientes de reposición ou sancionadores que sexan consecuencia da apertura e funcionamento de establecementos mercantís ou industriais, ou actividades conforme á normativa sectorial aplicable, carecendo da preceptiva licenza ou comunicación previa ou sen axustarse ás condicións das mesmas; así como as ordes de paralización destas actividades que non teñan o carácter de urxentes.
- Trámites de solicitude, aceptación e xustificación de subvencións ou axudas doutras administracións ou entidades, públicas ou privadas.
- O recoñecemento extraxudicial de créditos, que non sexan de competencia do Pleno, así como o recoñecemento e aprobación das certificacións de obras e das facturas que as acompañan.
- A aprobación de padróns fiscais ou de prezos públicos, listas cobratorias ou relacións administrativas de contribuíntes que sexan de competencia da Presidencia, así como as rectificacións destas.
- A aprobación das liquidacións do Imposto de Construcións, instalacións e Obras así como das taxas pola concesión de licencias que se atopen delegadas na propia Xunta.
- A resolución dos recursos de reposición ou administrativos en xeral interpostos contra os actos da propia Xunta municipal de Goberno ditados no exercicio da presente delegación.

Segundo.- Dar conta desta resolución na primeira sesión do Pleno que se celebre e publicala no BOP, sen prexuízo do seu carácter executivo desde o día seguinte ao do presente decreto, así como dar conta da mesma á Xunta Municipal de Goberno para a súa aceptación e cumprimento.

Mos, 17 de xuño de 2015

A Alcaldesa

Visto e prace

Nidia M^a Arevalo Gómez



O secretario A xctal.,

Victor Rodríguez Pérez

